



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Captivitate Babylonica Ecclesiae. præludium Martini
Lutheri**

Luther, Martin

Vuittembergæ, [1520]

VD16 L 4190

Ihesvs. Martinus Lutherus, August. Hermanno Tulichio suo Salutem.

urn:nbn:de:hbz:466:1-33353

VELIM, nolim, cogor indies eruditior fieri, tot
tantisq; magistris certatim me urgentib. & exercé-
tibus. De indulgētiis ante duos annos scripsi, sed
sic, ut me nūc mirum in modum pœnitentia editi
libelli. Hærebam enim id temporis magna qua-
dam superstitione Ro. tyrannidis, unde & indul-
gentias non penitus reiiciendas esse censebam, quas tanto hominū
confessu cernebam comprobari. Nec mirum, quia solus tum uol-
uebam hoc saxonum. At postea, beneficio Sylvestri & fratrum adiu-
tus, qui strenue illas tutati sunt, intellexi, eas aliud non esse, queam
meras adulatorum Romanorum imposturas, quibus, & fidem dei,
& pecunias hominum perderent. Atq; utinam a Bibliopolis quem
impetrare, & omnibus qui legerunt, persuadere, ut uniuersos libel-
los meos de indulgentiis exerant, & pro omnibus, quæ de eis scripsi,
hanc propositionem apprehendant.

INDVLGENTIAE SVNT ADVLATORVM ROMANO-
RVM NEQVICIAE.

Post hæc, Eccius & Emser cū cōiuratis suis, de primatu Papæ, me
enidire coeperunt. Atq; hic etiam, ne hominibus tam doctis ingra-
tus sim, confiteor me ualde promouisse eorum opera. Nempe, cū
Papatum negassim diuini, admisi esse humani iuris. Sed ut audiui
& legi subtilissimas subtilitates istorum Trossulorum, quibus suum
Idolum fabre statuunt (est enim mihi ingenium in his rebus non
usquaq; indocile) scio nunc & certus sum, Papatum esse regnum
Babylonis, & potentia Nimroth robusti uenatoris. Proinde & hic,
ut amicis meis omnia prosperrime cedant, oro librarios, oro lecto-
res, ut iis, quæ super hac re edidi, exustis, hanc propositionē teneat.

PAPATVS EST ROBVSTA VENATIO RO. EPISCOPI.
Probatur, ex rationibus, Eccianis, Emseranis, & Lipsensis Lecto-
ris Biblici.

C Nunc de utriusq; speciei communione mihi schola iuditur, &
de nonnullis aliis maximis rebus, hic labor est, ne & hos frustra Cra-
tipos meos audiam. Scripsit quidam frater Cremonensis Italus,

A. ii